



## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 278. Respondens autem Angelus dixit mulieribus. v. 5.

**urn:nbn:de:hbz:466:1-45515**

180 RESURRECTIO DOMINI N. SECUNDUM MATTHÆUM  
foueant, illuminent, ut viuam semper in claritate tua cum ijs siue in cœlis si-  
ne terris. Gaudeo autem me in illa esse Ecclesia quæ lucem & fulgorem ha-  
bet posita super candelabrum, vel supra montem, quæ non est inuisibilis,  
ut Reformata, sed semper fulget ut sol in universo.

§. 276. Prætimore autem eius exterriti sunt custodes. v. 4.

Quare exterriti sunt custodes? ob fulgurantem scilicet faciem Angeli,  
ob albedinem vestium, ob viuentem in sepulchro visum, in quo mortuus  
custodiebatur, ob mirandam claritatem vbi plena esse debebat obscuritas.  
bene igitur prætimore exterriti sunt, & expergefacti custodes ob tem-  
motum insuper & petræ & sigilli reserationem mirificam, vt iam testes ve-  
lint nolint esse debeat veritatis de resurrectione Iesu Christi, ipsi qui mor-  
tuum custodire non valuerunt.

D Omine Iesu non ego te mortuum, sed viuum custodiam semper in cor-  
de meo per gratiam, Angeli candor illic illuceat, vt inimici custodes qui  
malitiose me circumstant, & vigilant ut me perdant, exterriti fugiant sem-  
per & sicut mortui sine viribus ut hi milites.

§. 277. Facti sunt velut mortui. v. 4.

Nescientes scilicet quid dicerent præ stupore visis tot mirabilibus  
quod homo mortuus propria virtute viuus exsureret, clausis & obseratis  
portis, ipsis in excubijs existentibus, nec contradicere aut impedire valen-  
tibus, nec quidem loqui ob illum admirabilem triumphum victoriae, &  
splendorem, tot millibus Angelorum cohortibus concomitantibus, sibi  
solum timentes ne vel ab ipso resurgentem punirentur vel ab ipso præside de  
mala custodia.

D Omine Iesu redemptor meus inter tua in me quotidiana miracula, &  
misericordias sum pro dolor etiam ego sæpe quasi mortuus, vnde mihi  
irascor de mea erga te magna ingratitudine, peccatis quotidianis multis &  
grauibus, & quod præcepta tua tam parui faciam. Cum igitur velut mor-  
tus sim, tu solus potes me resuscitare, da igitur gratiam ut ex hac hora ex  
morte animæ resurgam nunquam in ea moriturus, ut merear te resurgen-  
tem & gloriosum semel videre in cœlis, & æternum iubilante voce exalta-  
re & glorificare in cœlis.

§. 278. Respondens autem Angelus dixit mulieribus. v. 5.

Dum vigiles quasi mortui iacerent præ confusione, ut nec officio mi-  
litis amplius fungi possent, vel interrogare aduentantes mulieres de tessera  
vel symbolo, vel causa aduentus, vel arcere à sepulchro armis, vel Angelum  
interrogare qua potestate & audacia reuolueret lapidem ab ostio monu-  
menti

menti signatum sigillo Principum Iudæorum: sed ad cuncta filerent vi-  
dentes quidem sed metu torpentes & resoluti viventes, locutus est An-  
gelus mulieribus venientibus videre sepulchrum, & cernentibus vigiles,  
& dixit, nolite timete: & alia pietatis & humanitatis officia eis monstra-  
vit.

**D**omine dum sedulæ, & piæ mulieres te quærunt, solatium & auxilium  
eis praesto fuit, quamprimum. Angelus enim tuus eas eripui ex omni  
timore & angustia ob pietatis earum merita & intentionem. Da mihi &  
hanc gratiam ut te quærām semper & ubique tali intentione sicut hæ  
mulieres, ut & te inveniam aut Angelum Domini qui me ab omni timore  
& angustia liberet, etiam sempiterna.

§. 279. *Nolite timere vos.* v. 5.

Quare Angele Dei non timebunt mulieres cum accedunt vigiliis no-  
turnas militum & quidem extra urbem, & forte ignoratæ quod istic essent  
dispositi custodes? non enim habent tessera, agitur de honore & vita ip-  
sorum: an non vigiles sine tessera accedentes occidere possunt? &c. Quid  
igitur dicis nolite timere vos. Habent tessera (Surrexit Dominus) ad  
hanc tessera vigiles facti sunt velut mortui, & ideo nec amplius vigiles,  
sed viles. Hinc audacter accedere iussæ sunt piæ mulieres, & sine timore  
esse, Dominus enim sua resurrectione vicit omnes vigiles tenebrarum &  
patronos earum diabolum scilicet peccatum, mundum & carnem.

**D**omine inimici mundus, caro, diabolus, peccatum. Ecce circumdant me  
undique vigilantes super actus meos, ac moventes me ad te deserend-  
um, se autem sequendum. Hinc in angustia sum & timore volens te quæ-  
rere, mitte igitur etiam Angelum tuum sanctum in occursum mihi qui me  
illuminatione sua quoque illuminet, & acclamet: noli timere, per gratiam  
Dei securus perge, veni ad Christum Dominum. Ita fiat obsecro mi Iesu.

§. 270. *Scio enim quod Iesum qui crucifixus est queritis.* v. 5.

Scio ait, non quidem ex me, aut mea natura, occulta cordium, sed tan-  
quam legatus Dei cui soli omne corporaret & omne loquitur secretum, Iesum  
qui crucifixus est queritis non in malum sed in bonum, ut eum adoretis, ho-  
noreatis, salutem primæ, ideoque adsum legatus Dei, ut vos suscipiam eius  
vice, impedimenta & timorem à vobis auferam ut libere pro vestra devo-  
tione & intentione adveniatis, sepulchrum videatis primæ, mysteria & rei  
veritatem in resurrectione Christi agnoscatis.